



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-04-04/2-11-6-3627-29/25
Sarajevo, 03.12.2025. godine

Na osnovu člana 11. tač. e) i f) Zakona o sudskoj policiji („Službene novine Federacije BiH“, br. 77/20), člana 69. st. (1) tačka b) i (2) tač. a) i e), a u vezi sa članom 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), člana 28. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-18/23 od 21.02.2023. godine, a u vezi sa Odlukom o nabavci usluga broj: Sp-04-04/2-11-6-3627/25 od 06.11.2025. godine i preporuke Komisije za javne nabavke imenovane Rješenjem broj: Sp-01-11-4-456/25 od 11.02.2025. godine, direktor Sudske policije u Federaciji Bosne i Hercegovine, donosi:

ODLUKU

I

Poništava se postupak javne nabavke usluga servisiranja, popravke i održavanja motornih vozila za potrebe Sudske policije u Federaciji Bosne i Hercegovine, pokrenut Odlukom o nabavci usluga broj: Sp-04-04/2-11-6-3627/25 od 06.11.2025. godine, i to:

1. iz razloga što cijene svih dostavljenih ponuda znatno su veće od osiguranih sredstava za predmetnu nabavku:
 - LOT 5 - Nabavka usluga servisiranja, popravke i održavanja motornih vozila Sudske policije u Federaciji BiH u Novom Travniku ili Travniku ili Vitezu,
 - LOT 6 - Nabavka usluga servisiranja, popravke i održavanja motornih vozila Sudske policije u Federaciji BiH u Mostaru.
2. iz razloga što u ostavljenom krajnjem roku nije pristigla nijedna ponuda:
 - LOT 7 - Nabavka usluga servisiranja, popravke i održavanja motornih vozila Sudske policije u Federaciji BiH u Livnu.

II

Ova odluka objavit će se na web-stranici (www.sudpol-fbih.pravosudje.ba) Sudske policije Federacije Bosne i Hercegovine, te će se u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24).

III

Ova Odluka stupa na snagu danom donošenja.

Obrazloženje

Sudska policija u Federaciji Bosne i Hercegovine (u daljem tekstu: ugovorni organ), pokrenula je postupak javne nabavke usluga servisiranja, popravke i održavanja motornih vozila putem otvorenog postupka, donošenjem Odluke direktora Sudske policije u Federaciji BiH broj: Sp-04-04/2-11-6-3627/25 od 06.11.2025. godine, Obavještenje o nabavci broj: 32599-1-2-124-3-65/25 od 07.11.2025. godine, s namjerom zaključivanja okvirnog sporazuma na period od dvije godine.

U postupku predmetne javne nabavke Komisija za javne nabavke je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: Sp-01-11-6-3627-15/25 od 27.11.2025. godine.

Prema Zapisniku sa otvaranja ponuda za aktivno učešće u postupku dostavljena je ponuda ponuđača za:

- LOT 5 - „**A-KLINIKA**“ d.o.o. Vitez
- LOT 6 - „**HERCEGOVINA-AUTO**“ d.d. Mostar.

Zapisnički je utvrđeno da na adresu Ugovornog organa u ostavljenom krajnjem roku nije pristigla nijedna ponuda za:

- LOT 7 – Nabavka usluga servisiranja, popravke i održavanja motornih vozila Sudske policije u Federaciji BiH u Livnu.

Komisija za javne nabavke za potrebe Sudske policije u Federaciji BiH izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: Sp-01-11-6-3627-23/25 od 27.11.2025. godine, kojim je utvrdila slijedeće:

- da za LOT 5 je pristigla jedna ponuda ponuđača „**A-KLINIKA**“ d.o.o. Vitez. Ponuda ne ispunjava uslove tražene tenderskom dokumentacijom. Naime, ukupna cijena ponude ponuđača „**A-KLINIKA**“ d.o.o. Vitez u iznosu od 26.972,04 (slovima: dvadeset šest hiljada devet stotina sedamdeset dvije i 04/100) KM veća od procijenjene, odnosno maksimalne vrijednost nabavke predmetnih usluga navedenih u tački 1.5 stav (2) TD za LOT 5 - Nabavka usluga servisiranja, popravke i održavanja motornih vozila Sudske policije u Federaciji BiH u Novom Travniku ili Travniku ili Vitezu, koja iznosi 23.000,00 (slovima: dvadeset tri hiljade i 00/100) KM, te je u skladu sa članom 2. stav (1) tačke 1) podbroj 2) **neprihvatljiva**.

U skladu sa naprijed navedenim, ponuda ponuđača „**A-KLINIKA**“ d.o.o. Vitez za LOT 5 je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

- da za LOT 6 je pristigla jedna ponuda ponuđača „**HERCEGOVINA-AUTO**“ d.d. Mostar. Ponuda ne ispunjava uslove tražene tenderskom dokumentacijom. Naime, ukupna cijena ponude ponuđača „**HERCEGOVINA-AUTO**“ D.D. Mostar u iznosu od 25.051,00 (slovima: dvadeset pet hiljada pedeset jednu i 00/100) KM veća od procijenjene, odnosno maksimalne vrijednost nabavke predmetnih usluga navedenih u tački 1.5 stav (2) TD za LOT 6 - Nabavka usluga servisiranja, popravke i održavanja motornih vozila Sudske policije u Federaciji BiH u Mostaru, u iznosu od 22.000,00 (slovima: dvadeset dvije hiljade i 00/100) KM, te je u skladu sa članom 2. stav (1) tačke 1) podbroj 2) **neprihvatljiva**.

U skladu sa naprijed navedenim, ponuda ponuđača „**HERCEGOVINA-AUTO**“ d.d. Mostar za LOT 6 je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

Shodno naprijed navedenom Komisija je dala preporuku o donošenju odluke o poništenju postupka nabavke za LOT 5, LOT 6 i LOT 7.

Komisija za javne nabavke će po konačnosti ove odluke pokrenuti ponovni postupak javne nabavke za naprijed navedene LOT-ove.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. st. (1) tačka b) i (2) tač. a) i e) Zakona o javnim nabavkama („Službeni glasnik BiH”, broj 39/14, 59/22 i 50/24), riješeno je kao u dispozitivu.

Pouka o pravnom lijeku:

U skladu sa odredbom člana 99. i 101. stav (1) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), protiv ove Odluke može se izjaviti žalba ugovornom organu, u roku od 10 (deset) dana od dana prijema ove Odluke.

Dostaviti:

- „**HERCEGOVINA-AUTO**“ d.d. Mostar, putem e-pošte: armin.ceric@hercegovinaauto.ba;
- „**A-KLINIKA**“ d.o.o. Vitez, putem e-pošte: info@a-klinika.ba i brunovw@icloud.com;
- Sektor za pravne, računovodstvene i opće poslove (za objavu na web stranicu);
- a/a.



DIREKTOR

Glavni generalni inspektor sudske policije

Dženad Grošo, mr. iur.